

## الاهتمام

اهل القصور اتقنى راحة اهل الخيام  
والفقير ماعون لا من سل جنبيته  
يا صاحبي صاحبك لو طال فيه المقام  
على دروب الوصال وخط مرثيته  
غلاك ما مر في صدره مرور الكرام  
لكن خطاك ايتصادم مع مثاليته  
لك غصن تقدير في صدره وعائق احترام  
ما ينكر العهد لو ان الضمى بيته  
وان كنت تحسب على ضعفه يجيك انهزام  
والله ليتعبك ماشفت انهزاميته  
ابشر ك تنبض احلامه ووحاله تمام  
لومي سم البعد من يقوى على كيته  
وليا سمعت بخبر موته وعفت المنام  
الله يعينك على فقدته قبل ديته

عطا الله ممدوح

ما احتاج منك كلام احتاج منك اهتمام  
حالاته الحب في صدقه وعفويته  
لوا زهرت في ثرى سمعي غصون الكلام  
دون اهتمام وموده كنها ميته  
نظرة وبسمة تكفي عن كلام الأنام  
اللي يبين غلاق قلبك وحنيتيه  
لو ان كسر الخواطر مثل كسر العظام  
كل جبر خاطره واقضى على نيته  
لكن على الملام ولا عليك الملام  
يستاهل الجرح من يرضى بما ريته  
وليا انكر الغصن لأوراقه وطار الحمام  
ماعاد يغريه لا لونه ولا فيته  
والله لو اني صحاري وانت وصلك غمام  
ماني شقوق على شوفه ولا جيته  
اللي حطبني بفاسه ما تركني حطام  
اشعل هشيم الضلوع بنار وحشيته  
ابسأله بعد هذا كيف عينه تنام  
ماكل من هو طايق يعيش حريته

